

黃帝內經素問註證發微卷五

明太醫院正文會稽庠生元臺子馬蔣仲化註證

氣厥論篇第三十七

未有故得之氣厥也則凡寒熱相移皆氣逆使然故名篇

黃帝問曰五藏六府寒熱相移者何岐伯對曰腎移寒于

肝癰腫少氣脾移寒于肝癰腫筋攣肝移寒于心狂隔中

心移寒于肺肺消肺消者飲一溲二死不治肺移寒于腎

為涌水涌水者按腹不堅水氣客于大腸疾行則鳴濯濯

如囊裹漿水之病也

腎移寒于肝肝字的作脾故下文即云脾移肝肝移心心移肺肺移腎文

義為順甲乙經全元起皆作脾王氏誤註為肝未詳下文大義也其下文移熱亦是腎移脾脾移肝肝移心心移肺

肺移腎不言腎移肝也



黃帝內經素問註證發微卷五

明太醫院正文會稽庠生元臺子馬蔣仲化註證

氣厥論篇第三十七

未有故得之氣厥也則凡寒熱相移皆氣逆使然故名篇

黃帝問曰五藏六府寒熱相移者何岐伯對曰腎移寒于

肝癰腫少氣脾移寒于肝癰腫筋攣肝移寒于心狂隔中

心移寒于肺肺消肺消者飲一溲二死不治肺移寒于腎

為涌水涌水者按腹不堅水氣客于大腸疾行則鳴濯濯

如囊裹漿水之病也

腎移寒于肝肝字的作脾故下文即云脾移肝肝移心心移肺肺移腎文

義為順甲乙經全元起皆作脾王氏誤註為肝未詳下文大義也其下文移熱亦是腎移脾脾移肝肝移心心移肺

肺移腎不言腎移肝也



此因帝以藏府寒熱相移爲問而先卽五藏之移寒者告之也。腎傷于寒而傳之脾，傳其所勝已者其寒盛矣。惟胃主肉，肉得寒則爲堅，堅久則化爲熱，故輕則爲腫，重則爲癰也。脾病不能運化，故元氣亦衰少矣。又脾移寒于肝，亦傳其所勝已者，其寒盛矣。肉寒而衛氣結聚，故爲癰腫。肝藏主筋，肉寒而筋脉拘急，故爲筋攣也。又肝移寒于心，傳其所生者，則心爲陽藏，神處其中，今寒薄之而神氣亂離，故爲狂。且心脉起于心中，出屬心系下膈，故爲隔塞不通也。又心移寒于肺，傳其所不勝者，則金被火刑，肺精燥爍，故爲肺消。肺消者，飲

雖止于一分而洩則倍之入少出多精氣耗散主死不治。又肺移寒于腎傳其我所生者則肺寒入腎腎邪干母上奔于肺故爲涌水大腸爲肺之府今肺腎俱爲寒薄上下皆無所之其水氣當客于大腸也方其疾行則腸中似鳴濯濯有聲如以囊裹漿此乃水之病耳。

脾移熱于肝則爲驚衄肝移熱于心則死心移熱于肺傳爲鬲消肺移熱于腎傳爲柔痊腎移熱于脾傳爲虛腸澼死不可治。症音熾

此又卽五藏之移熱者告之也肝藏血又主驚今脾移熱于肝傳其所勝已者其熱盛矣則肝氣必虛故被所

勝者乘所不勝。當爲驚。爲衄衄者。鼻中出血也。心屬

君火。肝有相火。肝移熱于心。傳其我所生者。然心不受

邪。以毋傳子。而二火炎熾。病不可支。故死。陰陽別論云

過四日而死。肝心謂之生陽。人有膈膜前齊鳩尾。後齊十一椎。居

心肺之下。而有斜膜。上與心肺相連。故心移熱于肺。傳

其我所勝者。則上文心移寒于肺。寒蒸爲熱。而成肺消。

今則禹亦被熱而成禹消。由此推之。則肺消難免矣。上

文曰死不治。而此亦非易治之證也。一說禹證肺消當爲二病。肺

主氣。腎主骨。肺熱有餘。傳之于腎。傳其我所生者。則氣

與骨而皆熱。其骨成痠。而難舉。柔則痿弱無力也。脾

土制水腎反移熱以與之傳其所不勝者其熱盛矣是脾土不能制水而受病久則爲益虛也脾氣不能運化而小腸大腸皆有滯積如通評虛實論所謂或便血或下白沫或下膿血者是也此則土絕水竭死不可治

胞移熱于膀胱則癰溺血膀胱移熱于小腸鬲腸不便土爲口糜小腸移熱于大腸爲虛瘕爲沈大腸移熱于胃善食而瘦入謂之食亦胃移熱于膽亦曰食亦膽移熱于腦則辛頰鼻淵鼻淵者濁涕下不止也傳爲衄衄膜目故得之氣厥也

糜武悲切處伏同入謂之食亦之入字當作又膿莫結切

此以六府之移熱者告之也王安道曰膀胱固爲津液

之府。又有胞居膀胱之中。靈樞五味篇曰。膀胱之胞薄。以懦。類纂曰。膀胱者。胞之室。今胞中熱極。乃移熱于膀胱。則爲癰。爲溺血。癰者。小便不通也。宣明五氣論曰。膀胱不利爲癰。蓋熱極則胞與膀胱皆脹而溺不得出也。溺血者。血隨溺下也。正理論曰。熱在下焦則溺血。膀胱上口上連于小腸。今膀胱之熱移之。是水能勝火也。故小腸本受盛之官。化物所出。今火熱薰蒸。其腸隔塞而熱燥不下。不得二便。且熱上出於口。亦爲口瘡而糜爛。蓋七竅在上口通腸胃。其病如此耳。小腸下口大腸之上口也。小腸移熱于大腸。是傳其所勝也。兩熱相

搏則血積而爲伏瘕其伏瘕則沉于其中也胃爲水
穀之海其氣外養肌肉今大腸之熱移之是傳其生我
者也則胃火愈盛食已如饑故雖多食而肌肉瘦瘠又
謂之食易其亦當作易蓋飲食移易而過不生肌膚也
胃移熱于膽是傳其所勝我者則胃病如故而膽木
生火亦當善食而瘦也亦名曰食易膽脉起于目銳
眦上抵頭角下耳後凡腦後之穴曲折布繞故膽移熱
于腦則辛頰鼻淵辛頰者鼻頰辛酸也鼻淵者濁涕下
不止也此皆熱使之然及其久而傳也則爲衄衄爲瞋
目蓋鼻熱既久血從上湧故鼻中出血其目亦瞋暗也

凡此五藏六府寒熱相移者如此皆得之氣逆所致也醫者能隨各經之氣以預治之則寒熱可以不至乎相移矣

○欬論篇第三十八

內論五藏六府之欬各有形狀治法故名篇

黃帝問曰肺之令人欬何也岐伯對曰五臟六腑皆令人欬非獨肺也帝曰願聞其狀岐伯曰皮毛者肺之合也皮毛先受邪氣邪氣以從其合也其寒飲食入胃從肺脉上至于肺則肺寒肺寒則外內合邪因而客之則爲肺欬五臟各以其時受病非其時各傳以與之人與天地相參故五臟各以治時感于寒則受病微則爲欬甚則爲泄爲痛



乘秋則肺先受邪。乘春則肝先受之。乘夏則心先受之。乘至陰則脾先受之。乘冬則腎先受之。

此言五臟六腑皆能成欬。然必肺先受邪而傳之于各

經也。言皮毛爲肺之合。五臟生氣篇云。肺之合皮也。皮毛先受風寒

邪氣而邪氣遂入于所合。則肺當受此風邪也。但風邪

雖受于其後而肺寒則曰病于其先。其始因用寒冷飲

食以入于胃。從肺脉上至于肺。則肺寒矣。肺寒則內寒

因外受風邪。則外寒。外內皆寒。所以肺之遂成其欬而

傳之他臟腑也。大凡五臟各以其所主之時受病。非所

主之時。則由別經傳以與之。正以人身與天地相參耳。

故五臟各以五時感于寒則受病感之微者則爲欬感之甚者則爲泄爲痛卽如肺主于秋故肺先受邪肝主于春故肝先受邪心主于夏故心先受邪脾主于至陰故脾先受邪腎主于冬故腎先受邪皆因五時而受邪也唯欬則肺先受邪爲欬而傳之別臟斯五臟六腑皆得以成欬也豈特肺而已哉。

帝曰何以異之岐伯曰肺欬之狀欬而喘息有音甚則唾血心欬之狀欬則心痛喉中介介如梗狀甚則咽臟喉痺肝欬之狀欬則兩脇下痛甚則不可以轉轉則兩脇下滿脾欬之狀欬則右肱下痛陰陰引肩背甚則不可以動動

則欬劇腎欬之狀欬則腰背相引而痛甚則欬涎

此言五臟之欬其狀有不同也肺主氣又主息今肺受邪則發而爲喘息有音以肺屬金金必有聲也甚則血隨唾出肺氣受傷也肺欬之狀如此。手少陰心經之脈起于心中出屬心系其支別者從心系上挾咽喉手厥陰心主之脈起于胸中出屬心包絡故心受邪則欬必心痛喉中介介如有梗狀甚則咽腫喉痺心欬之狀如此。足厥陰肝經之脈上貫鬲布脇肋循喉嚨之後故肝受邪則兩脇下痛痛甚則脇不可轉如轉則兩脇下脹滿肝欬之狀如此。足太陰脾經之脈上貫鬲挾

咽其支別者復從胃別上高故脾受邪則欬必右胠下
痛以脾居于右也其痛陰陰然引于肩背蓋脾氣連肺
故痛引肩背也如痛甚則不可以動動則欬愈劇劇者
甚也脾欬之狀如此足少陰腎經之脉上股後內廉
貫脊屬腎絡膀胱其直行者從腎上貫肝隔入肺中循
喉嚨挾舌本又腰者腎之府故腎受邪則欬必腰背相
引而痛甚則涎隨欬出以腎主涎也腎欬之狀如此此按
事難知集李東垣治五藏欬方肺欬用麻黃湯心欬用
桔梗湯肝欬用小柴胡湯脾欬用升麻湯腎欬用麻黃
附子細辛湯雖未盡中
病情姑脩以此俟採擇

帝曰六腑之欬奈何安所受病岐伯曰五臟之久欬乃移



于六腑脾欬不已則胃受之胃欬之狀欬而嘔嘔甚則長
蟲出肝欬不已則膽受之膽欬之狀欬嘔膽汁肺欬不已
則大腸受之大腸欬之狀欬而遺失心欬不已則小腸受之
小腸欬之狀欬而失氣氣與欬俱失腎欬不已則膀胱受之
膀胱欬之狀欬而遺溺久欬不已則三焦受之三焦欬之狀
欬而腹滿不欲食飲此皆聚于胃關于肺使人多涕唾而面
浮腫氣逆也。

此言六腑欬狀由五臟所移而久欬則三焦受之然合
五臟六腑之欬而末有不聚于胃關于肺者也欬必以
肺受邪而後傳之于五臟故五臟欬甚而後各傳于六

府脾之脉屬脾絡胃胃之脉屬胃絡脾相爲表裏故脾
欬不已則胃受之胃脉循喉嚨入缺盆下鬲屬胃故欬
則必嘔嘔甚則長虫出長虫者蛇虫也胃欬之狀如此
肝之脉屬肝絡膽膽之脉屬膽絡肝相爲表裏故肝
欬不已則膽受之膽脉從缺盆以下胸中貫鬲故欬則
嘔出膽汁其味苦也膽欬之狀如此肺之脉屬肺絡
大腸大腸之脉屬大腸絡肺相爲表裏故肺欬不已則
大腸受之大腸之脉入缺盆絡肺下膈爲傳導之府故
欬則遺失穢物也大腸欬狀如此心之脉屬心絡小
腸小腸之脉屬小腸絡心相爲表裏故心欬不已則小



腸受之小腸之下。卽大腸也。今欬則下失其氣。其氣與
欬而俱失也。小腸欬狀如此。六府之欬不已。則三焦受
之。此三焦者。非手少陽三焦之三焦。乃上中下三焦也。
見于靈樞營衛生會篇。其曰。宗氣出于上焦。營氣出于
中焦。衛氣出於下焦。又曰。上焦如霧。中焦如澗。下焦如
瀆。者是也。上焦在于膻中。中焦在于中脘。下焦在臍下
陰交。皆在于腹。故欬則腹滿。不欲食飲也。若手少陽之
三焦。則爲右腎之府。與腹無與。三焦欬狀如此。
或以手少陽三焦亦爲一府。何以無欬爲疑。殊不知二腎一也。膀
胱爲腎之府。三焦不過亦爲決瀆之官。今膀胱受邪。而欬則手少陽三焦之欬。
同也。何以復有欬哉。夫五臟六腑之欬如此。然皆聚

之于胃以胃為五臟六府之主也關之于肺以肺先受

邪而後傳之于別臟別府也使人多涕唾而面浮腫皆

以氣逆于上故耳此乃臟腑欬疾之總證也

按李東垣治六府欬

方胃欬用黑梅九胆欬用黃芩加半夏生姜湯大腸欬用赤石脂禹餘糧湯桃仁湯不止用猪苓湯分水小腸欬用芍藥甘草湯膀胱欬用茯苓甘草湯三焦欬用錢氏異功散雖未必盡中病情姑備此以俟採擇

帝曰治之奈何岐伯曰治臟者治其俞治府者治其合浮

腫者治其經帝曰善

此言治欬之法五臟必治其俞穴六腑必治其合穴浮

腫必治其臟腑之經穴也五臟俞穴者肺俞太淵脾俞

太白心俞神門腎俞太谿肝俞太衝是也六腑合者大